

այժմ և յառաջմէ մզկիթ մեր է, և վասն այսմ զոր ասէք թէ Սուրբ Յակոբ դոցա տրվի¹⁾, այս անմարթ է, քանզի վիճակ Հայոց է եւ ոչ Հոռոմոց: Այլ եւս զընծայն ևս գրեալ ի մէջ թղթին և այս ամենայն առաքեաց զոմն ի նախարարաց իւրոց աստ:

Եւ եկին օր Շաբաթ (Յ Յոշուա) և նստան Զ-ից եկեղեցեաց իշխանքն և ընտրեցին արս ի մէնջ յամէն եկեղեցոյ Գ Գ և Դ Դ իշխան՝ վէքիլ արարեալ ամենայն ժողովրդեանն, զոր գնացին արք²⁾ Ի և Ին-ից առ այն որ եկեալ էր ի փաշայէն և երաշխաւոր եղին թէ զինչ ծախսեցի վասն բանիս՝ տեսցեն սոքա մինչև Տէր կամեցի [և] յառաջանայ բանս և զլիակոր լիցին նախանախանծ (պապիս) ազգն Հոռոմոց. և ապա վարդապետն Երուսաղէմայ և ի ժողովէ տացէ զայս զոր ի գրին յայտնեալ էր, և ստիպեալ հարկիւ և թախանձանօք եթէ Կանգնեցէ՛ք և տեսէք զայս: Եւ գնացին³⁾ առ վէզիրն, և ծալեալ վէզիրն զթուղթն՝ չտայ պատասխան նոցա և ոչ մի, այլ նենգեալ Յունաց առին կրկին էմր ի վերայ Եղիազարին, և նա փախեալ նստէր ի Շամ առ Թայարօղլի փաշային Շամայ: Շաբաթ Պօղոսն մեռաւ: Երեկոյիս զԳնաճիկատէն կախեցին:

Կիրակի (10 Յոշուա). երեկոյիս գնաց ազան յէտրէնէ: Եւ քիւրէքճի արկին ի վերայ ամենեցուն կէս:

Գշի (12 Յոշուա). զփուռս մեր աւրհնեցաք:

Դշի (13 Յոշուա). Տնօրէն. և այսօր ելեալ գնացին յէտրէնէ:

Կիրակի ժի-ի:

Դշի օրս (20 Յոշուա) ել Ուլահի պարոնի քհնեան աստի⁴⁾ սարուճայիւք և գնաց յէտրէնէ առ պարոնն զոր ձիւան պէկ ասէին. աստ էր և ի թագաւորէն խլայս զգեցուց վէզիրն պարոնութեան և ուղարկեաց

1) տվի.

2) արս.

3) գնաց.

4) ասի.